

ԲՅՈՒՐԵՂԱՎԱՆ ՀԱՄԱՅՆՔԻ ԱՎԱԳԱՆՈՒ ԱՐԴԱՐ ՀԱՅԱՍՏԱՆ ԽՄԲԱԿՑՈՒԹՅԱՆ ԿԱՆՈՆԱԴՐՈՒԹՅՈՒՆ

1. ԸՆԴՀԱՆՈՒՐ ԴՐՈՒՅԹՆԵՐ

1.1 Սույն կանոնադրությունը կարգավորում է Բյուրեղավան համայնքի Ավագանու Արդար Հայաստան խմբակցության գործունեությունը. նրա մարմինների, ղեկավարի, քարտուղարի, գործավարի (փորձագետի), անդամների, իրավասությունների, լիազորությունների աշխատանքային ընթացակարգերը:

1.2 «Տեղական ինքնակառավարման մասին» Հայաստանի Հանրապետության օրենքի 66-րդ հոդվածի 1-ին կետի համաձայն ստեղծվում է Բյուրեղավան համայնքի Ավագանու Արդար Հայաստան խմբակցությունը:

1.3 Խմբակցության գործունեությունը դադարում է «Տեղական ինքնակառավարման մասին» Հայաստանի Հանրապետության օրենքի 66-րդ հոդվածի 4-րդ մասի համաձայն:

1.4 Բյուրեղավան համայնքի Ավագանու 2022 թ ընտրությունների արդյունքների համաձայն Արդար Հայաստան կուսակցության առաջադրմամբ ընտրված Ավագանու անդամները ընդունում են Բյուրեղավան համայնքի Ավագանու Արդար Հայաստան խմբակցության կանոնադրությունը:

1.5 Խմբակցությունը գործում է ՀՀ սահմանադրության, «Տեղական ինքնակառավարման մասին» Հայաստանի Հանրապետության օրենքի, ՀՀ օրենքների, «Բյուրեղավան համայնքի ավագանու կանոնակարգի», այլ իրավական ակտերի և սույն կանոնադրության համաձայն:

1.6 Խմբակցության գործունեությունը հիմնվում է քաղաքացիների հետ արդար ու ազատ փոխգործակցության, բազմակարծության, հարցերի ազատ քննարկման և կոլեգիալ որոշումների կայացման վրա:

1.7 Խմբակցության անվանումն է Արդար Հայաստան:

1.8 Խմբակցության գտնվելու հասցեն է ք.Բյուրեղավան.....

1.9 Խմբակցության անդամները կոչված են ապահովելու սույն կանոնադրության պահանջները:

2. ԽՄԲԱԿՑՈՒԹՅԱՆ ՆՊԱՏԱԿՆԵՐԸ ԵՎ ԽՆԴԻՐՆԵՐԸ

2.1 Իրականացնել Բյուրեղավան համայնքի մասին նախընտրական ծրագրում ամրագրված ռազմավարական սկզբունքներին և ուղենիշներին համապատասխան ծրագրային լուծումների իրագործմանն ուղղված գործունեություն:

2.2 Բյուրեղավան համայնքի և նրա բնակիչների առջև ծառացած հիմնախնդիրների լուծման ուղղությամբ իրականացնել իր լիազորությունները և պարտականությունները:

2.3 Համախմբել ավագանու անդամներին՝ ակտիվորեն նպաստել Ավագանու ինստիտուտի կայացմանն ու ինքնակազմակերպմանը: Հանդես գալ որպես կազմակերպված ու օրինակելի խմբակցություն:

2.4 Աջակցել խմբակցության անդամների կողմից ներկայացվող նախագծերի և ծրագրերի իրականացմանը:

2.5 Պաշտպանել՝ ուժեղացնել Բյուրեղավան համայնքի շահերը և նրա բնակիչների իրավունքները:

2.6 Գործել հրապարակային ու թափանցիկ, հստակ ու որակյալ տեղեկատվություն տարածել իր գործունեության վերաբերյալ:

2.7 Նպատակների ու խնդիրների իրականացման ճանապարհին համագործակցել քաղաքացիների և մասնագիտական հանրությունների հետ:

2.8 Իր գործունեությամբ նպաստել Բյուրեղավան համայնքի համաչափ զարգացմանը:

2.9 ՀՀ օրենսդրության համաձայն իր կողմից կատարված աշխատանքների միջոցով աջակցել Բյուրեղավան համայնքի ավագանու արդյունավետ գործունեությանը:

3. ԽԱՐԱԿԱՆԱԳՆՈՒՄԻ ԳՈՐԾԱՌՈՒՅԹՆԵՐԸ

3.1 Խմբակցությունը իր նպատակների և խնդիրների իրականացման համար Հայաստանի Հանրապետության օրենսդրությամբ, Բյուրեղավանի ավագանու կանոնակարգի և սույն կանոնադրությամբ սահմանված իրականացնում է հետևյալ գործառնությունները՝

ա) իր աշխատանքները կազմակերպում է նիստերի, խորհրդակցությունների և հանդիպումների միջոցով:

բ) որոշում է ընդունում ավագանու հանձնաժողովներում խմբակցության անդամների մասնակցության վերաբերյալ:

գ) սահմանված իրավական ընթացակարգերի համաձայն ներկայացնել խմբակցության անդամների նախաձեռնությունները և առաջարկները:

դ) քննարկում և որոշում է կայացնում ավագանու նիստերին հրավիրել այլ անձանց:

ե) ամփոփում և որոշում է ընդունում խմբակցության կատարած աշխատանքների վերաբերյալ:

զ) հանրային նշանակության հրատապ թեմայով անց է կացնում քննարկումներ և խումբներ ու հստակեցնում խմբակցության դիրքորոշումը քննարկվող հարցի վերաբերյալ:

է) բյուրեղավան համայնքի բնակիչների հետ կազմակերպում է ընդունելություններ, հանրային հանդիպումներ և քննարկումներ, բարձրացված հարցերին տալիս սպառնիչ պատասխաններ:

ը) բնակիչների կողմից բարձրացված խնդիրների ու առաջարկությունների վերաբերյալ բարձրաձայնում է ՏԻՄ մարմիններում՝ (ավագանու նիստում, համայնքի ղեկավարին) և հետամուտ լինում խնդիրների համարժեք լուծմանը:

թ) անցկացնում է քննարկումներ, կատարում ուսումնասիրություններ բյուջեի նախագծի վերաբերյալ:

ժ) քննարկում է բյուջեի կատարման ընթացքը և տարեկան հաշվետվությունը:

ժա) սահմանված կարգով հանդես է գալիս ուղերձներով:

ժբ) խմբակցությունը կարող է դիմել ՀՀ վարչական դատարան ավագանու և համայնքի ղեկավարի ակտերի իրավաչափությունը վիճարկելու հարցով:

ժգ) իրականացնում է ՀՀ օրենսդրությամբ, ավագանու կանոնակարգով և սույն կանոնադրությամբ չարգելված այլ գործառնություններ:

4. ԽԱՐԱԿԱՆԱԳՆՈՒՄԻ ՆԻՍՏԵՐԸ

4.1 Խմբակցության հերթական նիստերը հրավիրվում են ամիսը առնվազն մեկ անգամ:

4.2 Խմբակցության ղեկավարի կամ քարտուղարի նախաձեռնությամբ կարող են հրավիրվել նաև խմբակցության արտահերթ նիստեր:

4.3 Նիստերը վարում է խմբակցության ղեկավարը իսկ նրա բացակայության դեպքում խմբակցության քարտուղարը:

4.4 Խմբակցության նիստը իրավագոր է, եթե նիստին մասնակցում են խմբակցության անդամների կեսից ավելին:

4.5 Խմբակցության նիստի օրակարգի վարման կարգը՝

ա) օրակարգի հաստատում

բ) զեկուցողի ելույթ

գ) հարցեր զեկուցողին

դ) մտքերի փոխանակություն

ե) քվեարկություն

4.6 Խմբակցության նիստում որոշումներ ընդունվում են, եթե դրանց կողմ են քվեարկել խմբակցության անդամների կեսից ավելին:

4.7 Խմբակցության նիստին մասնակցում են խմբակցության փորձագետն ու գործավարը, ինչպես նաև կարող են մասնակցել հրավիրված այլ անձինք:

5. ԽՄԲԱԿՑՈՒԹՅԱՆ ԿԱՌԱՎԱՐՈՒՄԸ

5.1 Խմբակցության անդամները ընտրում են խմբակցության ղեկավար և քարտուղար:

5.2 Խմբակցության ղեկավարը՝

ա) ղեկավարում է խմբակցության գործունեությունը,

բ) գումարում է արտահերթ նիստ,

գ) նշանակում է խմբակցության գործավարին և փորձագետին,

դ) ներկայացնում է խմբակցության դիրքորոշումը ավագանու նիստերին,

ե) խմբակցության անունից վարում է բանակցություններ, արտահայտում խմբակցության դիրքորոշումներն ու տեսակետները,

զ) համակարգում է խմբակցության գործավարի և փորձագետի աշխատանքները, ապահովում ավագանու նիստերին նրանց մասնակցությունը, վերջիններիս տալիս համապատասխան հանձնարարականներ,

է) բյուջեի նախագծի վերաբերյալ խմբակցության դիտողություններն ու առաջարկները գրավոր ներկայացնում է համայնքի ղեկավարին,

ը) լիազորում է ավագանու անդամներին հանդես գալու խմբակցության անունից:

5.3 Խմբակցության քարտուղարը՝

ա) խմբակցության ղեկավարի բացակայության դեպքում իրականացնում է ղեկավարի գործառնությունները կամ վերջինիս լիազորմամբ կատարում է նրա լիազորությունները,

բ) ապահովում է խմբակցության անդամներին անհրաժեշտ նախագծերով ու փաստաթղթերով:

գ) փորձագետի ու գործավարի աջակցությամբ նախապատրաստում և կազմակերպում խմբակցության նիստերը, դրանցում իրականացվող քննարկումներն ու որոշումները:

6. ԽՄԲԱԿՑՈՒԹՅԱՆ ԱՆԴԱՄԸ

6.1 Խմբակցության անդամն իրավունք ունի՝

ա) ընտրել և ընտրվել խմբակցության ղեկավար կամ քարտուղար,

բ) խմբակցության ղեկավարին կամ քարտուղարին ներկայացնել նախագծեր և առաջարկություններ,

գ) խմբակցության ղեկավարից սպառնիչ տեղեկատվություն ստանալ նրա և խմբակցության գործունեության մասին

դ) խմբակցության կողմից ընդունված որոշումով անդամակցել ավագանու հանձնաժողովներին:

ե) խմբակցության և նրա ղեկավարի որոշմամբ խմբակցության անունից արտահայտել դիրքորոշումներ, տալ հարցազրույցներ, վարել բանակցություններ:

7. ԽՄԲԱԿՑՈՒԹՅԱՆ ԱՆԴԱՄԻ ՊԱՐՏԱԿԱՆՈՒԹՅՈՒՆՆԵՐԸ

7.1 Խմբակցության անդամը պարտավոր է՝

ա) մասնակցել խմբակցության, իրավասու հանձնաժողովների և Բյուրեղավան համայնքի ավագանու նիստերին,

բ) ակտիվ մասնակցել խմբակցության կանոնադրության նպատակների և խնդիրների իրականացմանը,

գ) իր գործունեությամբ ու վարքով բարձր պահել խմբակցության հեղինակությունը,

դ) բարեխղճորեն կատարել իր վրա դրված պարտականությունները,

ե) պարբերաբար հանդիպել համայնքի բնակչության հետ

զ) առանց խմբակցության և նրա ղեկավարի կողմից տրված լիազորության հանդես չգալ խմբակցության անունից,

է) ուսումնասիրել քաղաքացիներից ստացված առաջարկները:

8. ԵԶՐԱՓԱԿԻՉ ԴՐՈՒՅԹՆԵՐ

8.1 Սույն կանոնադրությունում լրացումներ և փոփոխություններ կարող են կատարվել խմբակցության անդամների ընդհանուր թվի ձայների պարզ մեծամասնությամբ :